

適稱嘉詞一邑乘鄭重視詞令且倍獲
焉而余不佞獨力肩之歲蕤之不逮而
漢刻之徒勞不亦滋任者笑端乎然業
已成之矣又安所辟匿爲是故首厥地
里定邑也繼厥沿革論世也系厥氏望
明祖也以愉觀采風俗有焉以肅政教
建置有焉以崇虔報祠祀有焉以軫民
依賦役有焉以表位著官師有焉以稽

志原

二

類萃選舉有焉以紀奉爵侯王有焉及
于循良官師勸矣及于人物選舉審矣
及于列女人物廣矣及于事記祥異序
矣及于藝文符采彰矣及于勛而曲終
之奏錯雜陳矣例多從舊義取竊从書
凡十六卷摠之五萬餘言浹月而已藁
草三月而畢殺青嘉與秘攜唯所命之
也吾

勝長可任也而侗以黥謗當之齷齪奈
何有掘地而得劍者矣首缺刃折迺齒
太宰鵬鷄夫容匣而藏諸不佞之于茲
書也其猶是夫其猶是夫

萬曆十九年歲在辛卯入日邑人邢侗
子愿甫志

志原

三

上谷劉承忠曰忠生塞徼累葉
沿襲世秩至忠乃始改業詩書
幸叨事寄治百里以邑大夫士
民不釋之故覲顏茲土者且八
年而外矣深維文獻之缺無以
藉手報此邑乃敦懇邢先生纂
成此書方謀鉛槧殺青之業會
督學長垣李公愆憑甚力冠首
以傳忠不敏實深蠅附之慶于
千載也則緣邑世青雲以式

叙

邑志自萬曆辛卯子愿邢公剏爲之
越三十餘年子愿仲子邢生王稱增
補之今又三十年矣累遭兵燹半沒
灰燼宰邑者以其無關殿最率置之
不問廢棄日久近日宰邑者金不知
邑有志矣余承乏茲邑兩越歲詢之
紳衿始知邑固有志及查之十無三

續志叙

四存者乃訪求原本重入劂工復成
全璧又念三十年來建置多有興廢
事記多有遺忘循良人物多未紀載
孝子節婦多未表揚賦稅緣兵荒而
蠲減菽文歷歲月而增多深虞日久
事湮特謀之劉郭二廣文邢劉諸茂
才採訪續訂捐俸金以刊之四十日
而告竣臨邑自茲復有志矣余遼海

鄙人今爲此舉匪有好名掠美之念
祇以文獻之缺特爲續貂若謂兵火
之後凋瘵未甦荒蕪未墾賦稅未清
乃爲此不急之務則余有辜矣倘後
之君子資以敷政立教持盈定傾俾
凋殘之境復爲華胥之鄉則余又有
功乎然功非余之功也劉郭二廣文
之功也邢劉二茂才之功也

續志叙

二

順治九年歲次壬辰玄月重陽日
文林郎知臨邑縣事陳起鳳題於臨
署之棗鶴堂



臨邑縣志目錄

第一冊

境圖 城圖

地里志卷一

沿革表卷二

氏望志卷三

風俗志卷四

建置志卷五

祠祀志卷六

臨邑縣志目錄

第二冊

賦役志卷七

官師表卷八

選舉表卷九


第三冊

侯王大夫世表卷十

循良傳卷十一

人物傳卷十二

烈女傳卷十三



臨邑縣志城圖

按史邑舊境一似在長清界一似在禹城界
 若孫耿鎮則爲邑址無疑茲所圖圖今城境
 爾管生師舜周歷四封之幾爲繭大凡關邑
 事悉披斷莽求之幾無一字遺失第泐水源
 流靡所追考矧廟乎尚論君子當必有囊括
 九州者其不恠幸教之不勝厚望焉

臨邑縣志卷之一

地理志

志曰庶民維星匪土胡隸辨方畫野有國者
之首事也山川冢塚艸木物產其在大地須
眉血脉矣壤色胡以延袤咫尺而沃而瘠而
溼而誼祖識地德豈伊異人清明在躬者乎
勤宣

天子之業命而考其國職勞民生善社賦烝獻
避辟必矣我君我民其共慎旃

臨邑縣志卷之一

一

星野之分其在一郡猶未一支彈丸屬縣腹背
一毛矣余非古太史氏烏敢言星於古有云充
州可移而河濟之充不可移我邑爲濟之望於
廟可證不移譚我土惟充足矣明智君子因地
識天渾銅衡玉余願受握算焉

疆境 則東至齊東東南至濟陽東北至商河
南至府城稍西至齊河西至平原西南至禹城
西北至陵縣北至德平廣五十里袤六十里縣
治至京師八百里至南京一千七百里

形勝 則南瞻岱宗東北盡無棣極于滄海西
通廣川所謂走邯鄲道也東指海岱極于膠萊
牟子之間神京直北邑居左翼以之三輔是為
馮翊濟北附庸作鎮玄武九河故道多出境內
禹蹟宛然李唐河溢蛟螭人立碣石秋毫燕南
蓬沒宋為運道規制大備勝國中兵寢以陵替
邇來車馬絡繹冠蓋闐塞置郵久廢反為孔道
任勞矣

山則 鵲山

在府城北二十里俗傳每歲七八月有烏鵲翔集見魏書南宋則劉

臨邑縣志卷之一

二

駿遷治似近今濟南故鵲山在封內山在今洛
口北五里許 又杜甫有誓如臨邑過鵲山
詩峭疑鵲之誤意爾時縣治仍南宋舊非今址明矣

川則 泲水

禹貢 濟河惟兗州又

浮于汶達于濟又

道泲水東流為濟

周官職方氏 其川曰河濟

風俗通 濟水出常山房子賈皇山東入沮浮

沈達濟

水經 濟水又北過臨邑東

漯水又東北逕漯陰縣故城註云縣故黎邑

河水又北逕在平縣東臨邑縣故城西北

瓠河又東北過臨邑西以上水經

鈎盤自德州經臨邑德平尋陽信入海

馬頰北過臨邑盧城蒲臺鄒平樂安諸縣界入

海九河支流散漫非一處云

徒駭由齊河縣經下口至城東南二十五里俗

呼土河

臨邑縣志卷之一

三

刀環水見魏書同鵲山

鵲山湖疑即刀環水山見魏書隸邑湖附

小清河一名青陽河城南四十里自禹城漸入

于海

舊黃河自濟河南接于梁山北過臨邑縣西南

四里曰大土河見郡志

小洪河城南四十五里

沙溝河城南三十里

浥河自城南直達城東北邑得名以此浥邑有辨見氏望

小河一名八頭又名八道城南三十里相傳渚沱河隄岸陡峻文分八道俗遂呼云

上口

下口俱城南四十里

趙遊河宋運道即下口

九龍口城西二十五里

黑水灣下口東

婁家濼下口北

古蹟 四瀆之一

臨邑縣志卷之一

濟廟 見漢書及風俗通在東郡臨邑縣王莽置

泲水祠 見水經

犁丘 古黎侯國魏有黎陽謂邑在黎水之陽非是壽春有黎丘丘隸齊稱者收之

石門 見左傳

隰陰城 見左傳註黎一名隰濟南有隰陰縣

馬坊城 見東漢書齊武王縯傳註

穀城亭 王莽置

黎縣故城 王莽更黎治水經註孟康曰今黎陽也世謂黎陽城管黎陽侯寓于衛詩所謂胡為乎泥中邑名疑此城也 按邑故屬東郡黎城

臨邑縣志卷之一
五

歸化縣 唐置

鹿角關 縣北二十里 周圍四里 唐書稱邑故關

孫耿鎮 宋置

鯤化池文廟前右方

桂井文廟西街口

琉璃井南門外

花疙疸廟西門內稍南

雙堠東門外

臨邑縣志卷之一

塞貨馬頭東門外

鴈翅泊 唐太常少卿段成式曰泊在城北十里無樹木土人春秋於此澤雁故其翅

為扇禦暑 楚人馬如乾詩曰鴈翅泊頭沙似雪成樓角鼓聲悲切鴈如驚起啄沙寒獵火平

原明且滅迢迢濟水若為家夢斷衡陽歲月照兄弟兩行憐欲死北來南去影橫斜君不見居

民何太苦土無毛兮惟舟鹵以茲感歎不聊生拾得冥鴻一羽輕學裁宮扇逢人賣又恐西風

盟先背

龍灣城南十二里

狼窩城北十里

演馬莊城東十二里

城子泊城南十二里陰霧望之如市

文廟在城西南四十里

元縣尹田壽以田六百畝為贍學禾業故以文

廟名莊今廢

九龍樹城西二十里

今存其七

迷魂陣盤河北

論曰我邑境內無山故水匯其在禹貢周官水經以下諸書班班可考河有九邑惟三洪水瓠子小清潔泥尤其著者至於四瀆之尊擅稱寓內沛廟自漢肇建我邑非巋然一大

臨邑縣志卷之一

六

都會哉乃今詢之故老莫能舉沛名無問杯土矣豈其歷朝沿革廢置興復非今治址故莫從踪跡抑或荆榛狐兔煙水消沉樵牧均咎官司任郵耶三大禹蹟不能一線滄海桑田自古記之矣石門見在氏註為隰陰甚悉不第杜工部錢考功二三文士弄筆哦詩致足據也鵲山刀環馬坊黎縣具在漢魏興童闕文而史孔父已然胡以刪焉世俗瞽諸見不跬步何異螳螂之撼五車二酉是吾師也

故

涼王墓城西南六里

李猪狗葬地

苗公墓

自始祖積德以來歷茲以往子孫蕃衍族類衆多兄弟興讓庭無間言有揚播

之家風江革之意氣豈不盛哉嗚呼慈烏反哺豺獾報本物類尚然何況人乎故孝子之心不忘其本事如存事死如生葬之以禮祭之以禮宜當自盡能繼志述事豈不善哉親戚僚友四方來觀者曰是謂能子矣詩云哀哀父母生我劬勞鞠育之恩死生難報是以慎終追遠生安死享生民之本盡矣余才庸劣不能殫述特書其略耳義勝者吉理順而昌功勳赫赫德行洋洋光風霽月水遠山長餘輝不朽秀氣馨香立石之後下瑞生祥至正癸未孟夏月中旬癸

臨邑縣志卷之一

七

丑日立

按邑人及苗氏指城東十里墓道為

宋軍師光義墓頌碑記無考墳墓百畝華表歸

然意也尊官矣

華公墓

縣北舊傳有華公墓碑尋失惟跌龜存焉石趙世此龜夜常負碑入水至曉方

出其上常有萍藻有伺之者果見龜將入水因呼呼龜乃走墜折碑焉事載唐太常少卿段成式西陽雜俎按華公墓歲久無考今邑城南二十五里有華姓者云其先遠祖有為參軍者萬曆七年邑修城堞被人發墓盜磚等皆五彩刻畫是為華公墓矣

七婆墳城東四里

花姐墓西門內稍南

按案使苗滋墓城東十里

贈太常丞魏克有墓城南四十里

知府許傑墓城南三里

參政趙簡墓城北十里

太監王銳墓城東五里

正德間
勅葬

孝子墓城東十二里

論曰孔父之林鴉雀不巢首陽之椒衣冠下

拜過獻次則仿佛割肉望蒼梧則彷彿垂裳

咸陽諸陵亭落日于槐州北邙啼鳥咽洛川

于永夜黃腸砂畫木和土壤同歸一盡付之

臨邑縣志卷之一

八

三歎矣語云生王之廬不如死士之墓是故

義冢前感激興盜立見詈罵起棄葬好惡無

間髮縷凡人有生尚圖死所哉

市集 城中五曰東街集五月之西街集九月之西

小街集七月之南街集一月之北街集三月之外鎮店

七城東北二十五里曰宿安店集四月城北四

十五里曰胡家集五月南二十里曰清涼店集

南四十里曰下口店集四月南四十里曰

田家口集一月西南二十里曰營子店集二月

西南三十五里曰興隆寺集

五十一

鎮店

附

曰新鎮曰安肅曰新市

以上俱金置曰今割入濟陽

麻灣城東十五里曰白廟城東二十里曰楊廣
務城東三十里曰牛家店城南二十里曰郭家
屯城東南二十里曰王官屯城南二十里曰苗
家屯城西南三十里曰王家閣城東南二十里
曰賈官寨城西南四十里曰盤河店城西二十
五里曰冀家窪城南十二里

論曰日中為市魚貫蟻集迨暮而候焉星散

臨邑縣志卷之一

九

掉頭不顧何則利之所在而喧寂之勢異也
邑所為市成估徵價大扭所行貨幣肉倍好
好倍肉肉好均者悉準算乘除輕重不爽目
以處義勢則然爾絲帛布帛五穀六畜菜茹
果蔬鐵冶陶埴靡不畢陳養生送死具矣酒
壚鱗次飲食若流賭塞擗藉擗胡角觥在所
而是干擗遊徼詰其太甚水清無魚人察無
徒餘斯置之爾吾觀于市而知先王平天下
之要道也